

Prijelaz iz osnovne u srednju školu: sljedeći važan korak

Da bolje razumijete školski rad svog djeteta



U Year 7, vaše dijete će dobiti predmete koje ranije nije učilo, i druge predmete kod kojih se pristup i naglasak mogu razlikovati od onoga kako se učilo u osnovnoj školi.

Također će se očekivati da budu samostalniji i da se više oslanjaju na vlastite snage nego u osnovnoj školi.

Da bi na kraju Year 10 đaci imali pravo na School Certificate (svjedočanstvo koje se stiče uspješnim završavanjem 7.-10. razreda), od Year 7 moraju učiti sljedeće predmete:

- engleski
- matematiku
- nauku
- geografiju
- historiju
- jezike
- tehnologiju
- likovne umjetnosti
- muziku
- lični razvoj, zdravlje i fizički odgoj (PDHPE).

Đaci u Years 7-10 mogu birati i predmete iz izborne nastave. Predmeti koji su najčešće ponuđeni u Years 9 and 10 su na primjer:

- aboridžinske studije
- tehnologija agrikulture
- trgovina
- ples
- dizajn i tehnologija
- dramska umjetnost
- prehrambena tehnologija
- grafička tehnologija
- industrijska tehnologija
- informatika i softver tehnologija
- pomorska i podvodna tehnologija
- muzika
- fotografija i digitalni mediji
- fizičke aktivnosti i sport

- tekstilna tehnologija
- likovne umjetnosti
- vizuelni dizajn
- radno obrazovanje
- izbor između 17 jezika

Izborni predmeti ponuđeni u vašoj srednjoj školi zavise od broja đaka koji su zainteresovani za određeni predmet i o raspoloživoj stručnosti unutar škole. Ako vaše dijete ima neki posebni talenat ili polje interesa, možete razmisliti i o nekoj od naših specijalizovanih srednjih škola.

Druge aktivnosti u školi

Neke od drugih aktivnosti koje škole nude da bi se podstaknuo društveni i lični razvoj svakog đaka su na primjer:

- podrška vršnjacima i posredovanje među vršnjacima
- mentori za đake

- programi za nadarene i talentovane
- nagrade i priznanja
- poduka o drogama i zdravlju
- poduka iz borbe protiv rasizma
- poduka iz nasilja u porodici i zaštite djeteta
- poduka iz sprečavanja kriminala
- poduka iz zdravlja i kondicije
- Year 6-7 prijelazni programi
- obuka za đачko vodstvo
- odbori đачkih predstavnika
- kampovi i ekskurzije.

Domaći zadatak

Vaše dijete će obično svakog školskog dana dobiti domaći zadatak, a kako prelazi u više razrede tako će se povećavati zahtjevi u vezi domaćeg rada i učenja. Domaćim radom se utvrđuje gradivo koje su prešli u školi i pomaže u razvoju sposobnosti kao što su pronalaženje informacija i organizovanje vremena. Pomaže i da se stvori navika učenja, koncentrisanja i samodiscipline.

Svom djetetu možete pomoći tako da:

- se aktivno zainteresujete za njegove domaće zadatke
- mu pomažete da svakog dana odredi vrijeme za domaće zadatke
- po mogućnosti odredite posebno mjesto za domaći rad i učenje
- pomažete nastavnicima u nadziranju domaćeg rada, tako da na zahtjev potpišete urađeni domaći zadatak, i time što pratite koliko je domaće zadatke zadato
- nastavnicima kažete ako vas bilo što brine u vezi domaćeg rada ili u vezi toga kako se vaše dijete odnosi prema zadatku
- podstičete svoje dijete da čita i da se zainteresuje za tekuća zbivanja
- upozorite školu na bilo kakve porodične okolnosti ili vanškolske aktivnosti koje bi možda trebalo da se uzmu u obzir kad se zadaje ili ocjenjuje domaći zadatak.

Svaka škola razrađuje svoj pravilnik u odnosu na domaći zadatak, u konsultaciji s roditeljima i starateljima. Primjerak možete dobiti od škole.

Izvještaji o napredovanju

Svake godine ćete primiti barem dva pismena izvještaja o napredovanju svog djeteta – najčešće na kraju 2. i 4. tromjesečja. I školski direktor i nastavnici će rado s vama porazgovarati o tom izvještaju o djetetu.

Mnoge škole održavaju sastanke za roditelje/ nastavnike (najčešće uvečer), da bi roditelji imali priliku da porazgovaraju sa svakim od djetetovih nastavnika o napredovanju svog djeteta. Većina srednjih škola podstiče roditelje da u svako doba posjete ili nazovu školu, ako imaju neka pitanja ili prijedloge u vezi napretka svog djeteta.

Po potrebi, možete zatražiti da na sastancima roditelja/nastavnika bude prisutan i tumač, i škola će to organizovati ako to bude moguće.

Telefonska služba tumača

Ako želite nazvati školskog direktora i trebate pomoć tumača, molimo nazovite Telefonsku službu tumača na broj 131 450 i zatražite tumača za svoj jezik. Tumač će nazvati direktora i ostati s vama na vezi, pomažući oko razgovora. Ova usluga se vama ništa ne naplaćuje.

NSW Department of Education

GPO Box 33
Sydney NSW 2001
T 9561 8000



Education
Public Schools